

## Panzerknacker-Schnitzelbank 1997

- 1 die Junge chömed zäme, si paffed sich e Pracht, am Bode usse lismets, am Fүүr wird Suppe g`macht, es Muki-Turne näbezue, sich ales Fantasie, das wär de SP-Wunschtraum, vom Park im Neu Hof g`sii
- 2 Seniorinne und Seniore, spitzed hurtig d`Ohre, ich de Ghisletti Aldo, fröge sind er all do, was Ihr sind ja nume drisg, jez händ er mer na d` Show vermiest, wenigstens chumm ich Gottseidank, z` Wädischwiil im Schnitzelbank
- 3 sgitt Institutione, wo überflüssig sind, de Heimatschutz zum Biispiel, isch glaub senil und blind, die Helde vo de Baukunscht zeiged allne s`isch en Gruus, es Meischerwärch a Farbekund, am Dach vom Gwerbschuelhuus
- 4 bim Coop am Samschtigmorge, stönd d` Auto chrüz und quär, Verchersexpärte hirned, Bindella-Garage läär, wiso häts det kei Chäre drin, was isch ächt da dra falsch? Vergässe händ die Birechöpf, das dete s`dopplet zalsch
- 5 Tränegas und Pflaschterstei, Gummischroth am Grind, Wasserwärfer, Schiibeingge, d` Tschugger tüend wie Chind, im letschte Jahr am Bundesplatz, isch das alls passiert, d` Buure chönd liecht demonstriere, sich subventioniert
- 6 Canabis als Biseness, han ich als Puur entdeckt, handle tuen ich öffentlich, früener chli versteckt, und sitt ich mini tüüre Chüe, nüm, lah weide drin, han ich dänn au kein Fall me gha, vo Rinderwahnsinn
- 7 de Casanova lüt im Bett, erschöpft vo luuter Luscht, die letschti Dame häd en fascht, erstickt mit ihrer Bruscht, er chaufft es Wundermitteli, es würkt sithär vernascht er, die Dame wider reihewiis, dank so me Nasepflaschter
- 8 stell der vor im Neubühl würded, Ichaufscänter staa, dänn hätt de Chällersberger Rolf, kei Buess am Auto gha, e Iisbahn gäbs, Erholigsruum, e Buszuebringerin, und hueregeil wär s` ganze scho, s` hätt na en Gmeindsaal drin
- 9 ich heisse Charlie Müller, ich bin en Chlochard, ich wohn zur Ziit da z` Wädischwiil, das isch wunderbar, d` Stadt häd mir es Hüttli baut, mit Fernseh und Chüelschrank, d` Sammelstell im Winterberg, ich säge vile Dank
- 10 letschti schickt mi d` Frau veruse, ich söll go Birrli chaufe, Joggeli cha kei Birrli chaufe, tuet sich fasch verlaufe, ales isch da durenand, ich finde nieneds Bire, ganz verzwiifled häsch mi gsee, dur d` Migros-Baustell irre
- 11 s` Stadtzürcher Sozialamt, isch halbe lull und lall, de Notfallplan wird füregnah, s` gaht um en Armuetsfall, es Spändekonto richteds ii, es härscht Uusgabestopp, likomme null, Vermöge null, s` gaht um d` Familie Kopp
- 12 Usländischs Gold heigs I dä Schwiiz, das seit die ganzi Wält, und si vermueted sich ungläublich, sogar na g` stolnigs Gäld, ganz sicher sind sich I eim Fall, und das isch kei Lappalie, bim Chines am Donghua-Li, sinere Goldmedallie
- 13 Veieli, Vergissmeinnicht, Tulpe und no meh, am Rand nah echli Canabis, das git en feine Tee, dä chlini Blätz da z` mitzt im Dorf, das isch ihm sis Ziil, am Hesse Hans sis neue Gärtli, de Chreisel z` Wädischwiil
- 14 in Horge händs en Exorzischt, ungläublich aber wahr, Verstärchig häd er übercho, in Form vo me Vikar, wenig Ufträg häds für s` Handwärch vo de Tüüfelstriiberii, es gäb scho Buez, mir schicked em, de Bischof Haas verbii
- 15 dank em neue Wirtegesetz, isch jede Depp debii, euse Vorschlag wäri drum, s` Florhof-Stübli gsi, im Bauamt git`s fasch ales was es Restaurant mues ha, Armlüüchter und Fläsche, häds afgig es paar da